

刑部比照加減成案續編

刑部比照加減成案續編卷十

杭州許槿訂

刑律賊盜

詐欺官私取財

山西司 道光九年

晉撫奏已革繁峙縣典史陶仁因候作肅
拾獲席玉炳胡麻。席玉炳疑竊賊控。該典

史卽行擅受差傳。致侯作肅被誣畏累。投
環殞命。訊據陶仁尚無索詐威逼情事。惟
身任典史。輒敢違例擅受。迨因釀成命案。
復冀圖規避處分。懇求該縣達興阿捏報
公出。該縣未肯扶同捏飾。輒卽砌詞稟揭。
繼復向達興阿平空訛索銀六百兩。實屬
居心狡詐。行同無賴。若僅照詐欺取財本

律。殊覺情浮於法。將典史陶仁。請
旨發往新疆効力贖罪。

安徽司 道光九年

安撫咨地保夏金玉於該縣散放賑粟之
後。因各災民或有病故。或有不願食賑。將
賑票給予繳銷。輒敢存匿冒領。計銀六兩
零。例無地保冒領賑銀。作何治罪明文。惟

查夏金玉匿票雇人冒領侵吞

帑銀情同詐欺應比照詐欺同監守之人
取所監守之物者以監守自盜論監守盜
倉庫錢糧五兩律杖一百酌加枷號兩個
月。

陝西司 道光四年

陝撫咨錢帛係應先斌長隨應先斌令將

銀兩送回原籍。該犯中途起意攜銀逃走。係屬乘便拐帶。與將事主家中資財私行竊取者不同。自應按拐帶本律問擬。錢幅應依拐帶人財物者計贓。准竊盜論罪止杖一百。流三千里。

浙江司 道光七年

提督咨劉振邦捏造汪銘假信赴銀號誣

得汪鎔原存銀四百三十一兩。將銀三百六十兩。兌得赤金二十兩。攜帶回籍。被汪鎔途遇盤詰。將赤金首還。律得免罪。餘銀七十一兩。並未首還。計其不盡之贓。罪應擬徒。嗣該犯復向汪鎔誑取赤金十兩。經汪鎔令其寫立字據。與平空誑騙者有間。自應酌減問擬。劉振邦應於誑騙人財物。

計賊准竊盜論罪止滿流律上酌減一等
滿徒。

陝西司 道光九年

伊犁將軍咨富金泰向張恩秀告借紙筆
出寫押帖卽偷用張恩秀店號圖記情同
誑騙與行竊銀錢者不同自應照誑騙律
計贓准竊盜論該將軍將富金泰竟依竊

盜問擬罪名雖無出入引斷究未允協應
卽據咨更正富金泰應改依誑騙人財物
計賊准竊盜論竊盜賊二十兩杖八十律
杖八十。

浙江司 道光九年

提督咨閩丹桂關閉錢鋪除報官後開發
過存錢及到部繳出現錢外尚有未完票

存京錢計贓一百十兩零。罪應擬流。該犯
於歇業後。卽赴官呈報。與有心關閉逃走
者不同。自應量減問擬。閩丹桂應於誑騙
人財物計贓。准竊盜論竊盜贓一百一十
兩。杖一百。流二千五百里。律上量減一等。
杖一百。徒三年。

浙江司 道光十年

提督谷王靜書起意描造假錢票。誑騙財物。其已經行使者。計賊在一兩以上。罪止擬杖。惟該犯描就假錢票二百餘張。共計京錢四百餘千之多。雖未行使得賊。已有誑騙實據。自應酌量問擬。王靜書應於誑騙人財物計賊准竊盜論罪止。滿流律上量減一等杖一百。徒三年。

奉天司 道光十二年

東城察院移送邢幅雇與存善傭工私將
伊主鋪房出倒計賊一百兩以上。遍查律
例並無作何治罪明文。惟雇工盜家長財
物。例應照常人竊盜計賊治罪。邢幅應依
誑騙人財物計賊。准竊盜論竊盜賊一百
兩杖一百。流二千里。律擬杖一百。流二千

里。

四川司 道光十四年

川督咨內江縣已革文生丁鵬皋等藉置
文昌廟祀產侵蝕餘剩錢文並刊布文札
實屬玩法例內並無刊布文札作何治罪
明文自應按詐欺取財計贓科罪查丁鵬
皋等係詐欺衆人之財肥己卽應以衆人

捐出之數。並計論罪。除置買祀田。用去錢
文外。丁鵬皋等。實入己錢八十二千文。折
銀八十二兩。丁鵬皋合依詐欺官私取財。
計賊准竊盜論竊盜賊八十兩杖九十。徒
二年半律。應杖九十。徒二年半。已革文生
段濤。卽段翊清。聽從丁鵬皋斂錢分用。並
於札文後。妄添語句。卽屬爲從。應於丁鵬

皋罪上減一等杖八十徒二年

河南司 道光十二年

河撫谷丁建勲等充當彌封書吏。詎令楊模等辦理聯號。冀圖得受謝議。雖非買求中式。亦未接受財物。惟試卷業經印用聯號。詎騙亦已。議有定數。丁建勲韓金鏞趙太初均應革役。比照指稱買求中式詭騙。

監生、生員、人等、財物、若、誑、騙、未、成、議、有、定、
數、財、未、接、受、杖、一、百、徒、三、年、加、枷、號、兩、個、
月、係、書、吏、犯、法、加、一、等、杖、一、百、流、二、千、里、
仍、加、枷、號、兩、個、月、

四川司 道光六年

川督奏三台縣長隨何政、因孫廷芳在義、
冢建造生墳、被賴潮畛等控告、經該縣勘

驗通詳。差該犯赴省投文。適孫廷芳堂兄
孫學良。自省轉回。與該犯途遇。言及孫廷
芳犯事情由。該犯輒敢起意向孫學良詐
騙銀至六百八十兩之多。實屬玩法。雖賊
未入手。未便照蠹役詐贓論罪。若僅照平
人詐欺取財。及誑騙未成科斷。該犯究係
長隨。未免輕縱。何政合依誑騙已成枷號。

三個月發煙瘴地面充軍例應發煙瘴地面充軍仍盡長隨本法刺字。

四川司 道光十三年

川督岑松潘廳九關番民日美他等呈控拆汝泥等包訟。誑騙銀兩查拆汝泥等以控免採買青棵爲由。誑騙銀二百三十五兩。雖非一主之賊。實係一案之事。例內並

無包訟誑騙。作何治罪專條。若照誑騙財物。准竊盜計贓罪止滿流。惟其向番眾哄騙。曾有向各衙門呈遞需銀打點使用之言。卽與指稱各衙門使用名色。誑騙財物無異。拆汝泥等。除誑騙銀兩計贓輕罪不議外。應均照指稱各衙門打點使用名色。誑騙財物計贓犯該徒罪以上者。不分首。

從發近邊充軍。該犯等係土司所轄。膽敢煽惑番眾。誑騙多賊。應請照例。枷責同家口。遷徙六百里之外。營縣安插。以免別滋事端。

陝西司

道光四年

陝撫咨張翰衢。頂替入場代考。畏罪潛逃。被伊父呈首。與聞拏。自行投首。無異應依。

代請鎗手頂名入場照誑騙已成例柳號
三個月發煙瘴充軍例上減一等杖一百
徒三年。

陝西司 道光十三年

陝撫咨鄜州民人張樹頂名入場被拏案
內之馮儒仁、李相清、李茂林、聽屬在旁從
惠說合並未預爲包攬情稍有聞馮儒仁

李相清、李茂林均於包攬擬軍罪上量減一等。各杖一百。徒三年。

貴州司 道光十四年

貴撫咨林旭起意隨棚撞騙。輒令錢張氏遣人赴學院衙門邀約陳幅出署相見。試探口氣。卽欲指名撞騙。惟甫經起意。尚未向人撞騙。議有銀數。事屬未成。且係初次。

犯法亦非積慣棍徒。例無治罪明文。比照虛詞誑騙事屬未成。杖一百。枷號一個月。遞回原籍。

安徽司 道光八年

安撫奏羅立堂開設錢鋪。虧欠票會各錢。至二十餘萬串之多。外省雖無作何治罪明文。而積欠太多。故爲關閉歇業。應比照

京城錢鋪開門逃走計賊准竊盜論至一百二十兩以上加一等發附近充軍惟勒追年月並嗣後開設錢鋪可否亦令五家互保之處由該撫查看地方情形酌量辦理。

浙江司 道光九年

提督咨杜企倫關閉錢鋪應追票存錢文。

逾限未繳。計京錢二千零七十四千。計贓在一百二十兩以上。按例罪應擬軍。該犯於歇業後。卽赴官呈報。與有心侵蝕逃走者不同。自應量減。問擬杜企倫。應於誑騙財物計贓。准竊盜論。至一百二十兩以上。加一等發附近充軍。例上量減一等杖一百。徒三年。

畧人畧賣人

直隸司 道光九年

直督岑管安山、因臧史氏屬伊代買官賣婦女。欲令爲娼。該犯輒敢希圖漁利。假以作媳爲名。價買良女。轉賣爲娼。遍查例內。並無畧賣良女。轉賣爲娼。作何治罪明文。惟爲媳本係假名。爲娼重於作婢。其與改

改子通姦。亦屬轉賣後。始與姦宿。自應比
例問擬。管安山應比照畧賣良人爲奴婢
者杖一百。流三千里。假以乞養過繼爲名
買良家子女轉賣者。罪亦如之。仍盡買良
爲娼本例。枷號三個月。滿日發配。

浙江司 道光六年

浙撫咨王貴祥誘拐出嫁甥女王錢氏賣

與商博喜爲妻。律無和誘總麻親。賣爲妻妾。治罪專條。惟賣大功以下親爲奴婢。既照凡人科斷。則賣爲妻妾。自應亦照凡人問擬。王貴祥合依和賣良人爲妻妾律。杖九十。徒二年半。

浙江司 道光十二年

浙撫咨竹澄淮因大功堂弟竹澄祖外出

生理未回。曾經伊兄竹澄雲往找無著。聲言在外病故。該犯信以爲實。輒將竹澄祖之妻馬氏誘賣。查和誘大功弟妻與人爲妻。例內並無作何治罪明文。惟賣大功以下親爲奴婢。旣從凡論。則賣爲妻妾。似應亦照凡人科斷。竹澄准合依和賣良人爲妻妾律。杖九十。徒二年半。

福建司 道光十三年

提督咨何貴、因總麻表弟韓振泰、出外無音、輒將其妻李氏、賣與葉天仁爲妻、係和誘大功以下總麻以上親之妻、律內並無作何治罪明文、惟賣大功以下親爲奴婢、既從、凡論則賣爲妻者、亦應照凡人科斷、何貴依和賣良人爲妻律、擬杖九十、徒二

年。半。

陝西司

道光四年

陝督咨倪臨福爲伊子聘定孫占魁堂姪
孫女爲妻。雖未成婚。業已過門。董養翁媳
名分已定。今該犯因貧將伊媳和賣與米
得祿爲妾。律內並無和賣子孫之婦爲妾。
作何治罪明文。惟查凡人誘賣良人爲妻。

妾○照○誘○賣○爲○奴○婢○律○得○減○一○等○今○該○犯○倪
臨○福○將○子○媳○和○賣○與○人○爲○妾○亦○應○酌○減○問
擬○倪○臨○福○應○依○和○賣○子○孫○之○婦○爲○奴○婢○杖
七○十○徒○一○年○半○律○上○量○減○一○等○擬○杖○六○十
徒○一○年○

福建司 道光四年

南城察院咨送陸成聽從宋文忠將胞妹

陸氏誘賣爲妾。律內並無作何治罪明文。應比照和賣弟妹爲奴婢杖七十徒一年。律上量減一等杖六十徒一年。

安徽司 道光十一年

安撫咨余卽游和誘出嫁之妹徐余氏賣與申有貴爲妾。該犯爲余氏之父余粹中嗣子。雖服制內女適人爲兄弟之爲父後。

者服仍期年而爲父後之兄弟應否報服
期年服圖及服制總類並無明文自應仍
按服圖出嫁姊妹降服一等以同堂大功
服妹論律例並無和賣出嫁大功服妹爲
妾作何治罪專條惟妹已出嫁卽與在室
不同應比照和賣同堂弟妹爲奴婢杖八
十徒二年律上量減一等杖七十徒一年

半。

江西司 道光十四年

南城移送程田氏告劉李氏將伊童養媳
李氏拐賣查劉李氏係李氏小功堂姑出
嫁降服總麻劉李氏和賣李氏與王四爲
兒媳。訊未成親亦未接受財禮。係屬賣而
未成。律內雖無和賣大功以下親爲妻妾。

作何治罪明文第賣大功以下親爲奴婢
既同凡論則賣爲妻妾亦應照凡人科斷
劉李氏合依賣良人爲妻妾者杖九十徒
二年半未賣減一等律杖八十徒二年李
氏聽從引誘逃走應照被誘之人減一等
杖七十徒一年半

河南司 道光十四年

河撫咨李茂榮窩畱喬姓等興販婦女。該撫照興販爲從。將李茂榮依興販婦女。轉賣與他人爲妻妾。杖一百。徒三年。例上減一等。杖九十。徒二年半。本部以李茂榮貪利窩畱喬姓等興販婦女。卽屬知情律。與犯人同罪。應改照興販婦女知情窩畱與犯人同罪律。杖一百。徒三年。

山西司 道光六年

步軍統領衙門咨送李二先因路遇年甫
十歲之汪祿兒。迷失道路。饑餓啼哭。將其
收畱。欲給與伊兄吉太爲子。係屬收畱迷
失子女。惟該犯將汪祿兒帶回後。經汪祿
兒之兄汪安子聞知。找至。欲領汪祿兒回
歸。該犯輒敢不令領回。復將汪祿兒攜帶

來京情同誘拐未便僅照收留迷失子女
律擬徒致滋輕縱但該犯究因汪祿兒迷
失所致與有心誘拐者有閒若遽照十歲
以下雖和同畧誘律擬以綴首未免與實
在有心誘拐者無所區別自應酌量減等
問擬李二卽李德春照誘拐子女爲子孫
者被誘之人若不知情爲首擬絞監候例

上量減一等。擬杖一百。流三千里。

貴州司 道光八年

提督咨送于六。因知三姐係迷失道路。經楊氏收留。遂起意將三姐帶出。暫時藏匿。欲尋伊父劉三送還。冀圖酬謝。曾經往找劉三送信。劉三亦曾聞信往尋。俱未相遇。核其情節。止圖索謝。並非有心拐賣。實與

畧誘不同。自應酌減。問擬于六應依誘拐
子女不分良人奴婢已賣未賣但誘取者
被誘之人若不知情爲首擬絞監候例上
量減一等杖一百流三千里。

山東司 道光九年

東撫咨馬鴻有聽從董洛然行竊事主崔
琮家衣服。因見年甫七歲之幼女崔小煥

妮在炕睡熟。該犯又聽從董洛然竊抱。價
賈分肥。遍查律例。並無治罪專條。第偷竊
幼女。與誘拐無異。崔小煥妮於被竊之時。
既不知情。自應比照問擬。馬瀾有應比照
誘拐子女被誘之人。若不知情。爲從杖一
百。流三千里。例擬杖一百。流三千里。

河南司 道光十二年

河撫題梅令舉起意商同在逃之李大騾子設計誘拐席克太之女張席氏並未姦污亦未典賣因聞張席氏之父席克太查知誘拐情由卽將張席氏送還情尚可原自應酌量問擬梅令舉應照誘拐婦人子女不分良人奴婢已賣未賣但誘取者被誘之人若不知情爲首擬絞監候例上量

減一等杖一百。流三千里。

直隸司

道光四年

直督咨革生尚統姦拐業徒之妻。例內並無作何治罪明文。惟該犯身列膠庠。設館課讀。竟致不顧名教。若照尋常姦拐擬軍未免無所區別。自應按例加等問擬。尚統依和誘知情擬軍例上量加一等。發極邊。

煙瘴充軍。面刺煙瘴。改發四字。該督聲稱。毋庸刺字。係屬錯誤。應行更正。

浙江司 道光五年

浙撫谷方順姐。被後母蔡氏責打逃出。馮舜治前往尋護。因其不肯回家。且有伊母曾經許配爲妻之言。中途起意誘逃。與無故在家和誘者不同。自應酌減問擬。馮舜

治、合、依、和、誘、知、情、爲、首、擬、軍、罪、上、量、減、一、
等、滿、徒、方、順、姐、應、於、馮、舜、治、滿、徒、上、減、一、
等、杖、九、十、徒、二、年、半、

山西司 道光五年

晉撫客陳斌因見郭女在該莊外啼哭。詢
知被姑訓責逃走情由。收留至家。次早屬
令郭女回歸。因郭女懼責不敢回歸。卽起

意圖賣藏匿月餘始經史根成查知領回。殊屬不合。第郭女究係自行走出。且收畱到家後。因其不願回歸。始行起意圖賣。與誘取子女圖賣者有閒。若照和誘知情爲首例擬軍。未免無所區別。亦未便援引收畱在逃子女未賣律定擬。致滋輕縱。自應酌量問擬。陳斌於和誘知情爲首例上量。

減一等杖一百。徒三年。郭女係被誘之人。亦應於陳斌滿徒罪上遞減一等杖九十。徒二年半。

河南司 道光五年

河撫咨太康縣郭萬聚誘拐張克義之妻張王氏同逃。該撫將郭萬聚、依和誘知情爲首例擬軍。張王氏依被誘之人減等滿。

徒。本部查郭萬聚誘拐張王氏同逃。至楊大科歇店投宿。意欲嫁賣。因探知張克義報縣差緝。該犯心生畏懼。卽將張王氏領出。令其自行回家。雖未赴案投首。究有畏法之心。且並無姦污情事。自應酌減問擬。郭萬聚應改依和誘知情爲首擬軍例。上量減一等杖一百。徒三年。張王氏應改依

被誘之人滿徒例上減一等杖九十徒二年半。

陝西司 道光六年

陝撫咨王泳娃因與郭奉祿之妻袁氏通姦拐逃。嗣袁氏欲回夫家。該犯即將袁氏送至郭奉祿門首。復行逃逸。袁氏據實告知其夫郭奉祿首報。該犯旋被拏獲。詳核

情節。袁氏之仍回夫家。雖出於袁氏本意。而該犯若無悔罪之心。又焉肯送往。若仍科該犯誘拐之罪。未免情輕法重。且與始終未送還者無所區別。自應酌減。問擬王泳娃。應於和誘知情爲首。擬軍罪上量減一等杖一百。徒三年。

安徽司

道光六年

安撫容鄭發因姦拐孫陳氏被本夫找獲。聲言控告。致孫陳氏羞愧自縊身死。例內並無姦拐敗露。致姦婦羞愧自盡。作何治罪明文。將鄭發除與孫陳氏通姦致氏羞愧自盡。罪止擬徒。輕罪不議外。應依和誘知情爲首。例發極邊足四千里充軍。

河南司 道光七年

河撫谷崔三誘拐楊仲之妻吳氏同逃。該撫將崔三、依和誘知情爲首例。發極邊足四千里充軍。本部查崔三姦拐楊吳氏同逃。按例罪應擬軍。惟該犯欲將吳氏嫁賣。經吳氏不依。吵嚷欲自回家。該犯慮被張揚敗露。卽將吳氏送至縣屬交界地方。告知路徑。令其回家。雖未赴官投首。究有畏。

法。之。心。與。始。終。拐。匿。者。有。間。自。應。酌。減。問。
擬。崔。三。應。改。依。和。誘。知。情。爲。首。軍。罪。上。量。
減。一。等。杖。一。百。徒。三。年。

陝西司 道光七年

陝督咨賞豆喜等誘拐祁常氏同逃查祁
常氏因被伊翁責打逃回母家中途被賞
豆喜起意糾允禕老五將該氏誘拐同逃。

並先後與該氏調戲成姦。該撫以在途拐
逃。與在家誘拐者不同。將賞豆喜、於和誘
知情軍罪上。量減一等。擬以滿徒。爲從之
韓老五、被誘之祁常氏、均擬杖九十。徒二
年。半查向來辦理誘拐各案。並無在途在
家之分。今該督以賞豆喜等誘拐祁常氏。
聲稱係在中途誘拐。遽將該犯減等問擬。

殊與定例不符。賞豆喜應仍照和誘知情爲首例發極邊足四千里充軍。韓老五、祁常氏均應於賞豆喜軍罪上減一等杖一百。徒三年。

奉天司 道光八年

步軍統領衙門咨送鄭太和因葉喜姐被舅母時常毆詈受苦難堪私自逃至該犯

家○並○非○該○犯○誘○拐○未○便○科○以○和○誘○之○條○惟
該○犯○既○將○葉○喜○姐○收○留○成○姦○稱○爲○夫○婦○亦
未○便○僅○科○姦○罪○自○應○酌○量○問○擬○鄭○太○和○應
照○和○誘○知○情○爲○首○擬○軍○罪○上○量○減○一○等○杖
一○百○徒○三○年○葉○喜○姐○依○爲○從○減○一○等○杖○九
十○徒○二○年○半○

陝西司 道光八年

提督咨護軍參領蘇彰阿使妾玉蘭被雇
工李羣兒拐帶同逃。查李羣兒以辭出雇
工。輒敢誘拐舊主蘇彰阿使妾同逃。例無
作何治罪明文。自應卽照凡人誘拐例定
擬。李羣兒合依和誘知情爲首例發極邊
足四千里充軍。

陝西司 道光十一年

東城察院移送趙二因與邱王氏通姦經
邱王氏央其帶回母家輒將邱王氏帶出
藏匿並商允逃後無人找尋就可跟伊過
度卽屬有心誘拐惟一聞邱王氏之姑田
邱氏喊告遂將邱王氏私自交出尚知畏
法自應酌減問擬趙二應於和誘知情爲
首擬軍例上量減一等杖一百徒三年邱

王氏係被誘之人。應於趙二滿徒上減一等。杖九十。徒二年半。

福建司 道光十一年

提督咨保瑞。因與大姐通姦。產生私孩。慮被查獲。將大姐帶出躲避。業已向大姐之母梅氏商允。核與誘拐者有閒。惟該犯找有住所。雇車至梅氏家迎載大姐。正值梅

氏赴厠未回。該犯慮恐耽延。竟不等告知住址。卽將大姐拉回。旋經訪獲。若僅照和姦本律。擬以枷號。究屬情浮於法。應以和誘知情軍罪上。量減一等。擬杖一百。徒三年。大姐於保瑞滿。徒上。量減一等。擬杖九十。徒二年半。係犯姦之女。杖決徒贖。

河南司

道光十三年

提督咨送趙榮、姦拐吳孔氏、復縱令與麻四通姦。被麻四查知來歷。復將吳孔氏拐逃。雖與本夫縱容。致令誘拐者不同。究與起始誘拐者有閒。麻四應於趙榮和誘知情軍罪上量減一等。杖一百。徒三年。

陝西司 道光十三年

提督咨李二、張十先後與陳劉氏通姦。張

十因陳劉氏相待冷淡。攜刀尋釁。陳劉氏
商允李二逃至伊家躲避。李二戀姦藏匿。
至十餘日之久。卽與和誘無異。惟一聞張
十尋找。心生畏懼。卽將陳劉氏送回。尚知
畏法。與始終有心拐逃者不同。固未便僅
科姦罪。若依例擬軍。未免情輕法重。自應
酌減問擬。李二合依和誘知情爲首擬軍。

例上量減一等杖一百徒三年。陳劉氏依被誘之人減等滿徒例上再減一等杖九十徒二年半。

河南司 道光十三年

提督咨送周玉因張薛氏之母薛邢氏將張薛氏送至伊家寄住。該犯與韓三先後與之通姦。因韓三欲往通州貿易。該犯戀

姦情密。商同韓三將張薛氏誘帶同往。核與平空誘拐者不同。自應酌減問擬。周玉應於和誘知情爲首擬軍例上量減一等。杖一百。徒三年。韓三聽從誘拐。張薛氏被誘同逃。均於周玉滿徒罪上減一等。杖九十。徒二年半。

河南司

道光十四年

河撫咨靈寶縣謝學義。係史添幅義子。雖已分產。帶妻歸宗。與義父母並未義絕。該犯圖產強嫁史添幅之妾呂氏。自不得與義母同論。遍查律例。並無義子歸宗。並未義絕。強嫁義父之妾。作何治罪明文。惟該犯希圖史呂氏產業。輒捏稱病重。往接看視。私將史呂氏嫁與程振有爲妻。未經成

婚核與誘拐情事相同自應比例問擬謝
學義應照誘拐婦人子女不分已賣未賣
但誘取者被誘之人若不知情爲首絞監
候例擬絞監候該犯聞拏投首應於絞罪
上減一等杖一百流三千里。

廣西司

道光十四年

提督咨王賞兒途遇在逃幼女閭二姐將

其帶走。送至沈六家寄住。嗣王賞兒因無處查找。閻二姐親屬起意商同楊趙氏將閻二姐誘允爲婢。交與馬氏輾轉售賣。係屬和誘知情。惟閻二姐自行逃出。究與勾引畧賣者有閒。自應按例酌量問擬。王賞兒應於和誘知情。準罪上量減。擬徒。閻二姐再減一等。杖九十。徒二年半。

廣東司

道光五年

廣撫咨陳亞桂起意誘拐生員邵春初家婢女春綺圖賣案內之林白毛始則知情畱住繼復同覓娶主嫁賣該撫依窩主與犯人同罪律與陳亞桂均照和誘知情爲首例發極邊足四千里充軍本部收依和誘知情爲從例杖一百徒三年

浙江司 道光七年

浙撫咨周開江、聽從伊妻章氏、將前夫之
媳周氏、賣與戴長慎爲婢。訊係知情和誘。
查例內並無誘賣前夫子媳。作何治罪。明
文自應卽照凡人定擬。周開江合依和誘
知情爲從例滿徒。

河南司 道光九年

河撫奏邢克全、李端聽從邢克順、窩匪人
販至數十人之多。所得房飯錢文。卽與得
贓無異。復敢護送拒捕。情節較重。如僅照
中途聚眾打奪爲從擬流。轉覺輕縱。邢克
全、李端均應比依窩隱川販護送分贓不
分首從發近邊充軍例。均發近邊充軍。

四川司 道光十二年

川督題李潮仲、因借夷人作根錢文無償。捏稱李潮仲係伊胞弟。將其一家三口賣與作根抵欠。令作根糾約宜相等。黑夜往將李潮仲等綁搶。復因朱氏喊叫。恐人聽聞截拏。商同作根將李潮仲勒死。藐法已極。例內並無漢奸串通夷人。捆賣民戶。將被搶之人謀勒身死。作何治罪明文。自應

比例問擬。李潮伸比依貴州地方有外來
流棍勾通本地棍徒將荒邨民戶用威力
強行綁去傷害至死者爲首擬斬立決。例
擬斬立決。

河南司 道光七年

提督咨送劉祿喊告郝二姦拐伊妻李氏
同逃。查李氏係劉祿買休之婦。律應離異。

固不得爲劉祿之妻。惟郝二不知劉祿買
休情由。其因劉祿縱姦致被拐逃。自應比
照本夫縱姦例問擬。郝二應依本夫縱容
妻妾與人通姦致被拐逃者。姦夫於軍罪
上減一等例杖一百。徒三年。

江蘇司 道光九年

蘇撫咨黃馮氏因見歲歉民貧起意販賣

人口。該犯三次將孫王氏等八口轉賣得財。查該犯之夫老病殘廢。訊不知情。自應罪坐本婦。黃馮氏依與販婦女轉賣與他人爲奴婢者。擬以滿流。照例應准收贖。惟查該犯婦因地方偶遇偏災。節次收買婦女。轉賣漁利。實爲女中棍徒。若援例收贖。不足示懲。黃馮氏比依審理婦女罪應軍。

流以上監禁三年例。監禁三年。年滿察看情形。實知改悔。卽予釋放。

安徽司 道光十三年

安撫岑陶大六孜等。聽從逸犯趙添才。與販女孩。尚未出賣。是否賣與人爲奴婢。抑賣與人爲妻妾。事尚未定。惟據現犯僉供。欲賣與人爲使女。應卽據供定罪。將陶大

六致等於興販婦人子女轉賣與人爲奴婢例上照爲從減一等未賣又減一等各杖九十徒二年半。

福建司 道光十一年

提督咨周六兒商同伊兄周二伊妹周氏誘拐雇主伊清阿之妾清安嫁賣圖利。例無雇工人和誘家長之妾作何治罪明文。

應比照雇工人和賣家長期功以下親屬
例改發雲貴兩廣極邊煙瘴充軍仍照名
例以極邊足四千里爲限周氏係伊清阿
家奴之妻聽從誘拐主妾應依周六兒擬
軍罪上照爲從問擬滿徒周二訊非伊清
阿雇工惟聽從伊弟周六兒誘拐應依父
兄同行助勢例於本犯和誘爲從滿徒上

加一等杖一百流二千里。

河南司 道光十二年

提督咨送劉喜受雇與宗室興麟家服役。與使妾凌兒通姦。被興麟看破攆逐。復將凌兒和誘拐逃。劉喜除姦家長妾罪止滿流不議外。應比依雇工和賣家長期功以下親屬例。改發雲貴兩廣極邊煙瘴充軍。

仍照名例以極邊足四千里爲限。

廣東司 道光十一年

刑部奏提督咨送騎都尉查隆阿因孀婦劉氏夫故無依。勸令該氏帶同前夫所生四歲幼子四幅至伊家同住。與之姦宿。後因四幅時常啼哭。該犯心生憎厭。將四幅帶至別處丟棄。查例內並無將他人寄養

幼子丟棄。作何治罪。明文自應比例問擬。
查隆阿除與王劉氏通姦。罪止柳杖輕罪。
不議外。應比照將受寄他人十歲以下子。
女賣爲奴婢例。發極邊足四千里充軍。係
已革旗員。應從重發往新疆當差。王劉氏
合依軍民相姦例。柳號一個月。杖一百。係
犯姦之婦。杖決柳贖。

廣東司 道光十三年

提督岑張鎮。因周尚文將妻陳氏託伊寄頓。找尋買主。輒私將陳氏賣與譚大爲媳。收用身價。係屬私賣受寄之婦。與起意誘拐有殊。惟例無治罪明文。應比照問擬。張鎮合依受寄他人十一歲以上子女賣爲子孫者。杖九十。徒二年半。